

Grawng Com Yesux rawm mai Kham Geu Krax Nyaw Glaw



**Lukax 3:2-3; 25-26, 21
4:1-13**

Illustrations by Sweet Publishing <http://sweetpublishing.com/>

This work is licensed under the Creative Commons Attribution-ShareAlike 3.0 Unported License. To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041, USA.

Scripture passages are from the New English Translation

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format. The questions in this guide may be freely adapted as deemed appropriate for a particular audience.

Translated to the Wa language by:

Yex Ka Lin

Ai Sang Awng

Edition : First edition

Date : September, 2015


Wa Scripture passages are from The Holy Bible in Wa (2012)

Puag Pua Pa Koe Plak Khaix

Sivoe sang jah Yesux ti yuh kaing jhaw pa tawx Siyiex, Nawh yaox tix yuh kaing pa ting ceu ra ceu. Bawg liang Nawh yaox ti rieb krax com rawm ka daux tawm taix Yohan cao com rawm. Pa lo ex ti tawng kienie Yohan mawh kawn simex pa pon Elizabiet mai Zakharix yam riex ju kiex heue. Siyiex tawx beeh glawm kieh Yohan krai pui Isarilax mhong son sang cox kix rhawm mai rieb ka Kawn Siyiex, pa mawh Cao Taoh awm pa hoik tawx Siyiex lox sijax mu kheu. Nawh nhie pui cox rhawm ti ka daux pa doh keud ka phimap pa yuh tix mai rawg Siyiex pluot ploi phimap son sang mawh pui im ju daux pa khraox.

Bawg ra, khaix hoik com rawm Nawh yaox tix kham krax nyaw glaw khaing pui pa koeng ka Siyiex, pa mawh Satan. Satan kawx mawh pui koeng son ex kawn pui awm paox. Nawh nyaw glaw ex son sang thiag lox Siyiex. Been in kieh ex tawng grawng koe sibrawm Gumlox Siyiex son sang pex ka krax pa nyaw glaw heue.

Pa ah ex cubcom daux Khuan Singax Singeh mai ngu kie nie sang ah ka grawng pa sang cheuk cheu (ciied ciang) mai grawng pa sang prawng ca heue. Pui pa rieb ka Yesux tag sang singax kheu pa cheuk cheu ka ngu mai tag sang koe riag rao kheu Khuan Singax Singeh heue.




² Ka daux bawg yam, Annax mai Kayaphax mawh cao giex kaing li pa ting, lox Siyiex hoek ka Yohan kawn Zakharix, ka daux tiagtu heue.



³ Nawh hu daux haktiex rawb rim rawm
Yawdan kudah kudee, sidiex gau been krax
tawx cubcom, pa doh keud ka phimap tom
pon luan khaing daux phimap heue.




¹⁵ Yam pui khankix keud jun pot mai pui
khawmuik keud daux rhawm tix grawh
grawng Yohan, mawh nawh Cao Khrit lie,
ang mawh lie.




¹⁶ Yohan baox deeh ah nin ka kix, “Aux cubcom pex ka daux rawm tete, viang mawh nan khaix in tak sang hoek tix kaux, pa nie ting khaing aux, pie maox kiek Nawh ang aux keung ti kah, Kaw an tak sang cubcom pex ka daux Khuan Singax Singeh mai daux ngu heue.



²¹ Khaix pui khawmuik hoik cubcom tix ka rawm, Yesux kawx hoik cubcom mai rawg bwan, raoma baoh, ²² mai Khuan Singax Singeh lih ka daux riang tokaux, pa awm sikaux, ka piang Nawh mai lox lih khaing raoma, “Maix mawh Kawn pa moh Aux, pa khaw caw rhawm Aux heue.



¹ Yesux naog ka Khuan Singax Singeh, deeh
hoek khaing rawm Yawdan mai Khuan Cao tuk
Nawh hu ka daux tiagtu heue. ² Ka daux tixpon
ngaix, phicaox nyaw glaw ti yaox Nawh.



Nawh Cao ang ih tidtix ka daux ngaix an khankix mai khaix ngaix an khankix hoik naog, Nawh Cao cai rhawm heue. ³ Phicaox ah nin ka Nawh Cao, “Phan Maix mawh Kawn Siyiex tawx lox kieh simaox in mawh khaomun heue.”



⁴ Yesux pawk lox ka nawh ah nin, “Hoik tiem ti deuh ah nin, Pui tag im kheu khaomun nong nong ang mawh, tag im kheu Gumlox Siyiex kugum heue.”



⁵ Phicaox tuk Nawh Cao haok dee lhaong mai jhi Nawh yaox meung pa koe ka piang haktiex khawmuik, daux bawg yam tivud ngie. ⁶ Phicaox baux ah nin ka Nawh Cao, “Aux tak tawx sibrawm mai min plakngai pa koe khankix khawmuik, mawh kheu hoik tawx kix ka aux mai aux tak sang tawx ka kaw pa simie aux ti tawx heue. ⁷ Phan Maix krub ka aux tak mawh cie Maix khawmuik,”



⁸ Yesux deeh ah nin ka nawh, “Hoik tiem ti deuh ah nin, Maix tag krub ka Siyiex maix mai yuh kaing son Nawh heue.”




⁹ Phicaox baox tuk Nawh Cao hu ka veng Yerusaliem mai deuh Nawh piang dee choek nyiex bwan mai ah nin ka Nawh, “Phan Maix mawh Kawn Siyiex, kieh tokaux tix rau sen.

¹⁰ Kheu hoik tiem ti deuh ah nin, Nawh tag tawm lox grawh grawng Maix ka kawncau Siyiex Nawh khankix, sonsang kieh pau Maix. ¹¹ Kix tak yaog Maix ka piang tawm taix kix, son ang caong Maix sang krox ka simaox heue.”



¹² Yesux baux pawk lox ah nin ka nawh, “Lox baux hoik deuh ti ah nin, Maix paw vi nyaw ka Siyiex maix.”



¹³ Khaix hoik nyaw phicaox tix yaox kuceu,
nawh lih hu khaing Nawh Cao ti vong
heue.

K. Deeh Thawk Theng

1. Siyiex tawx beeh glawm ceu pa tix ka Yohan?
2. Yohan pawk lox yuh ka mawx yam chawp pui hun ah nawh mawh Cao Khrit?
3. Yohan sidiex gau grawng Yesux yuh ka mawx?
4. Yam Yesux com rawm, lox lih khaing rao ma ah yuh ka mawx?
5. Grawng pa lih sim sikaux piang Yesux koe dee bleeh yuh ka mawx?
6. Khaix hoik com Yesux rawm Khuan Cao tuk Nawh hu dee mawx?
7. Krai daux blawng pa nyaw Satan ka Yesux loe bawg liek?

Kh. Krax Doh Rhawm Ka Been

1. Yohan nie pui doh keud ka phi map tix. Pa ah ex doh keud ka phi map koe dee bleeh yuh ka mawx ?
2. Maix keud yuh ka mawx ka grawng Yesux “tag sang cubcom ex ka daux Khuan Singax Singeh mai ka daux ngu”?
3. Maix pon rieb gau ceu pa tix khaing grawng Yesux?
4. Maix keud Satan nyaw glaw Yesux kheu jao pa tix?
5. Mawh kheu jao pa tix Yesux kaux cong mai ang som ka pa nyaw glaw Satan?

G. Krax Pa Deeh Shiao Daux Ju Tix Khaing Been

1. Mawh kheu jao pa tix krax pa doh keud ex ka phimap ting ceu?
2. Ceu pa nyaw glaw pa yaox ti sipub ka daux krax im ju ex ku ngaix mawh pa tix?
3. Son ang ex laig ka daux pa nyaw glaw, ex sang chix khre rien yuh ka mawx?
4. Maix pon rieb gau ceu pa tix daux been in son sang shiao ka daux ju maix?

D. Ceu Pa Rieb Gau Ex Khaing Been In

1. Yesux mawh Kawn Ai Siyiex pa rug, Nawh ang rau ka daux pa nyaw glaw phi caox.
2. Gumlox Siyiex mawh kraung naing pa ting ceu son sang tieb tie ka pa nyaw glaw Satan.
3. Lai Hebrie 4:14-16 ah yuh nin, Yesux hoik tawng grawng pa nyaw glaw mawh ceu pa yuh ka mawx. Mawh kheu nan ex chix mhaing krax teem ka Nawh son sang chix pawk ex ti ah, 'ang' ka pa nyaw glaw Satan heue.
4. Maix kawn pon krax rieb gau ceu pa tix? Kawn koe lox chawk tix ceu ceu lie?

Baux Lai Pa Caw Tix Ci

Lukax 3:22 mai Khuan Singax Singeh lih ka daux riang tokaux, pa awm sikaux, ka piang Nawh mai lox lih khaing raoma, "Maix mawh Kawn pa moh Aux, pa khaw caw rhawm Aux heue."